



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-085-5/24**
Datum: **06.05.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „T.S.E.-Transporti speciali Europei“ d.o.o. Kladanj za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa „Stupari“ na kojem se vrši eksploatacija i prerada mineralne sirovine krečnjaka, općina Kladanj, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „T.S.E.-Transporti speciali Europei“ d.o.o. Kladanj daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa „Stupari“ na kojem se vrši eksploatacija i prerada mineralne sirovine krečnjaka, na zemljištu označenom kao k.č. broj: 745 i k.č. broj: 746 upisano u K.O. Matijevići, u naselju Stupari, općina Kladanj.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (separator ulja i masti, betonski taložnici, betonski i zemljani kanali i slivnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma „Stupari“ općina Kladanj nesmetano sakupljaju i odvođe do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u definisani recipijenti – rijeku Gostelju.
 - 3.4. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske

- vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.7. Da korisnik poslovnog objekta prilikom vršenja separisanja stijenske mase i prilikom manipulacije sa istom, onemogućiti obrušavanje stijenske mase ka rijeci Gostelji.
 - 3.8. Da korisnik poslovnog objekta bušenje i miniranje stijenske mase radi kontrolisano po projektu te da minerske radove može vršiti isključivo ovlašteno minersko društvo.
 - 3.9. Da se eksploatacija mineralne sirovine na površinskom kopu „Stupari“, općina Kladanj vrši isključivo u skladu sa odobrenim (verifikovanim) rudarskim projektom tj. u skladu sa Zakonom o rudarstvu („Službene novine Federacije BiH“ broj 26/10) i drugim pratećim provedbenim propisima, tj. podzakonskim aktima koji tretiraju ovu oblast.
 - 3.10. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 3.11. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.12. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.13. Da se istrošena ulja, nauljene krpe i sav opasan otpad koji će nastati na prostoru površinskog kopa-kamenoloma „Stupari“, općina Kladanj prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 7. U periodu važenja ove dozvole, pravno lice je dužno provoditi sve mjere i aktivnosti propisane istom.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „T.S.E.-Transporti speciali Europei“ d.o.o. Kladanj obratilo se ovoj Agenciji sa zahtjevom za ispuštanje tehnoloških otpadnih voda i za aktivnosti koje mogu imati specifične uticaje na vode sa lokacije prostora površinskog kopa „Stupari“ na kojem se vrši eksploatacija i prerada mineralne sirovine krečnjaka, na zemljištu označenom kao k.č. broj: 745 i k.č. broj: 746 upisano u K.O. Matijevići, u naselju Stupari, općina Kladanj.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opća dokumentacija:

- Rješenje o izmjenama podataka, broj:032-0-Reg-21-002127 od 07.01.2022. godine izdato od strane Općinskog suda u Tuzli – ovjerena kopija,
 - Uvjerjenje o poreznoj registraciji od 16.05.2008. godine izdato od strane Kantonalnog poreznog ureda u Tuzli - ovjerena kopija,
 - Zapisnik o utvrđivanju uslova za bavljenje registrovanim djelatnostima u rudarstvu, broj:16-18-4-00444/2015 od 06.02.2015. godine izdato od strane Federalne uprave za inspekcijske poslove – ovjerena kopija,
 - Rješenje o urbanističkoj saglasnosti, broj:04-5-364-1 od 14.02.1974. godine izdato od strane Skupštine Opštine Kladanj - ovjerena kopija,
 - Rješenje o vodnoj dozvoli, broj: UP-I/25-3-40-013-9/19 od 26.03.2019. godine izdato od strane Agencije za vodno područje rijeke Save, Sarajevo – kopija,
 - Operativni plan mjera u slučaju vanrednih i incidentnih zagađenja „PK Stupari“ novembar 2023. godine,
 - Izvještaj o monitoringu kvaliteta i kvantiteta otpadnih voda površinskog kopa „Stupari“ „T.S.E.-Transporti Speciali Europei“ d.o.o. Kladanj, broj izvještaja:70/24 urađen od strane „Inspekt RGH“ d.o.o. Sarajevo, januar 2024. godine,
 - Izvještaj o monitoringu kvaliteta i kvantiteta otpadnih voda površinskog kopa „Stupari“ „T.S.E.-Transporti Speciali Europei“ d.o.o. Kladanj, broj izvještaja:63/22 urađen od strane „Inspekt RGH“ d.o.o. Sarajevo, januar 2022. godine,
 - Izvještaj o monitoringu kvaliteta i kvantiteta otpadnih voda površinskog kopa „Stupari“ „T.S.E.-Transporti Speciali Europei“ d.o.o. Kladanj, broj izvještaja:46/23 urađen od strane „Inspekt RGH“ d.o.o. Sarajevo, januar 2023. godine,
 - Akt Federalnog ministarstva okoliša i turizma, broj:05/2-02-19-5-674/21 od 14.04.2022. godine – kopija,
 - Rješenje o vodnoj dozvoli, broj:04/1-11-21-36629/21 od 07.01.2022. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
 - Ugovor potpisan sa „Delta Petrol“ d.o.o. Kakanj, broj:0660/23-DS od 20.04.2023. godine – kopija,
 - Ugovor o koncesiji, broj:03/1-14-31735/22 od 26.06.2023. godine potpisan sa Ministarstvom privrede Tuzlanskog kantona – kopija,
 - Akt „Milanović inženjering“ d.o.o. Kragujevac, Srbija – kopija,
 - Dokaz o uplaćenju federalnoj upravnoj pristojbi na zahtjev
- B-Tehnička dokumentacija:**
- Glavni projekat - izvedeno stanje vanjskih hidroinstalacija sa dopunom, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda površinskog kopa-kamenoloma krečnjaka „Stupari“, urađen od strane „Ibis“ d.o.o. Zavidovići, oktobar 2015. godine (broj: 49-IB-G/15).
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj i tom prilikom sačinjen Zapisnik o izvršenom uviđaju broj:UP-1/21-3-40-085-4/24 od 30.04.2024. godine. Na osnovu dostavljene dokumentacije, izvršenog uviđaja na licu mjesta utvrđeno je sljedeće:
- Pravnim licu „T.S.E.-Transporti speciali Europei“ d.o.o. Kladanj izdato je rješenje o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa „Stupari“ na kojem se vrši eksploatacija mineralne sirovine krečnjaka, na zemljištu označenom kao k.č. broj:745 i k.č. broj:746 upisano u K.O. Matijevići, u naselju Stupari, općina Kladanj.
 - Rješenje je izdato pod uslovima tj. da se sve aktivnosti realizuju na terenu u skladu sa: Glavni projekat - izvedeno stanje vanjskih hidroinstalacija sa dopunom, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda površinskog kopa-kamenoloma krečnjaka „Stupari“, urađen od strane „Ibis“ d.o.o. Zavidovići, oktobar 2015. godine (broj: 49-IB-G/15).
 - Pravno lice je (u skladu sa dostavljenim detaljnim dinamičkim planom ulaganja) na terenu realizovao aktivnosti na vanjskom uređenju prikupljanja, tretmana i ispuštanja tehnoloških otpadnih voda i oborinskih onečišćenih voda sa radno-manipulativnih, eksploatacionih površina površinskog kopa,

platoa mehaničke radionice, spremišta ulja, masti i rezervnih dijelova, prostora pretakališta goriva, te voda sa prostora separacije mineralne sirovine.

- Rezultati monitoringa tj. izvještaj o monitoringu kvaliteta i kvantiteta otpadnih voda površinskog kopa „Stupari“ „T.S.E.-Transporti Speciali Europei“ d.o.o. Kladanj, broj izvještaja:70/24 urađen od strane „Inspekt RGH“ d.o.o. Sarajevo, januar 2024. godine, ukazuje da izmjereni parametri na mjernim mjestima E1 i E2 zadovoljavaju granične vrijednosti emisije otpadnih voda koji se ispuštaju u prirodne recipijente u skladu sa odredbama Uredbe.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „T.S.E.-Transporti special Europei“ d.o.o. Kladanj ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa „Stupari“ na kojem se vrši eksploatacija mineralne sirovine krečnjaka, na zemljištu označenom kao k.č. broj:745 i k.č. broj:746 upisano u K.O. Matijevići, u naselju Stupari, općina Kladanj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja Rješenja

Po ovlaštenju
Rukovodilac sektora za izdavanje
vodnih akata



Haris Ališehović, dipl. inž. građ.

Dostaviti:

- „T.S.E.-Transporti special Europei“ d.o.o. Stupari centar b.b., 75283 Stupari-Kladanj, (kao u prilogu),
- AVP Sava, ISV – Vodna knjiga,
- Sektor 50,
- ⊙ Sektor 40, arhiva,
- Oglasna ploča-AVP Sava